


辨心論

才五

四百七十二
明五

51336



元祿九年丙子二月日重修

皇圖

帝階

佛日增輝

懋輪常轉

山城州天安寺法金剛院置

Large stylized watermark characters, possibly '東洋' (Toyo) or '東洋圖書' (Toyo Library).

辨正論卷第五

沙門 法琳撰

明

佛道先後篇第三

東宮學士陳子良注



儒生久之更為議曰尋佛教東夏未六百年
晉宋已來其風始盛猶謂功無與等世不能
名況老教中華年代綿遠經史具載略可而
聞案道經元皇曆云吾以清濁元年正月甲
子下師伏犧治國太平白日昇天又云未分
元年八月甲辰下師神農太元元年師裕一
本作祝容凡經一十二代變為一十七身始
自玄老終乎方朔隱真論云處天地之先不

以為長在萬古之下，不以為久。隨時應變，其
物俱化。勘其遊世輔國時節，可知。至於誘引
黎元，匠成品物，安能紀乎？略計已經二百七
十餘萬年矣。彈曰：太素之時，氣形始具，清濁
未判，名之渾沌。二儀既闕，而不
分。三才眇而未見。六紀序命之外，伏犧方生。
四姓燧人之末，神農始誕。何得庖炎二皇出
之清濁之世？祝容六甲生未分。故云：常道非可
之前委巷之書不足承信。

道之道無名，出有名之名。既曰寂寥，是稱恍
惚。託周朝而為柱史，居漢世而作大臣。戲水
乘魚，遊空駕鶴。玉井含潤，美地下之飛泉。金
竈生烟，烈人間之燄火。三宮白珠之帳，或餌
甜芝。九華青瑣之階，恒餐凍髓。玳瑁琥珀之
樹，不日舒光。琉璃瑪瑙之枝，無風自響。髑髏

能語曾假夢於莊周白骨還生豈虛談於徐
甲西王玉文之棗聖女擎來東海金色之梨
仙人捧至形無定所見種種之容情有異端
啓紛紛之迹超江跨海詎藉舟航入市登山
隨心自在綿綿叵測眇眇難尋莫不利益天
人楷模今古釋氏之化日月未淹焉得與道
而為比較

開士讓曰吾子學無稽古困在師心不能擇
善返迷而守株信度吾聞智無不周曰聖化
不可測曰神遠近難尋始終莫究者其在茲
乎焉得措意於其間也子疑尚擁當復言之
何者

夫世界初成未有日月二大菩薩下救蒼生

爰列三光是興八卦伏羲皇者應聲大士春秋

內事曰伏羲推列三光建立八節以文應氣

有二有二十消息禍福以制吉凶也是以羲氏

和氏世掌日月之官皆伏羲之後女媧后者

也故曰名羲和蓋羲皇之本号也吉祥菩薩何以明之尋此劫中千佛出世第

四佛者即釋迦文自餘續興終乎劫盡尔乃

劫劫相次則佛佛無窮者也立世毗曇云跋

佛相續出世以法化不絕故号賢劫十歲至八

中有一成住壞空四大劫也如從十歲至八

二萬歲復從一八萬劫至十小劫為一轉輪上凡經

八千萬萬億千八百萬歲為一小劫凡經

然云七火一億八千八百萬歲為一小劫凡經

始是風起經八劫之四方有佛出相次一數

千釋迦如來位當第四劫中

世界是佛依報眾生是佛因緣但有衆生即

有佛也。依須弥像圖。山經及十二遊經。並云。有成劫。已過。入住劫。來已。經七小劫也。光音天。等下。食地。肥。欲。心。諸。天。項。後。自。背。光。明。遠。近。相。照。因。食。地。肥。欲。心。漸。發。遂。失。光。明。人。民。呼。嗟。尔。時。西。方。阿。彌。陀。佛。告。寶。應。聲。吉。祥。等。二。大。菩。薩。汝。可。往。彼。與。造。日。月。開。其。眼。目。造。作。法。度。寶。應。聲。者。示。為。伏。義。寶。吉。祥。者。山。海。經。云。化。為。女。媧。後。現。命。盡。還。歸。西。方。也。則。信。知。三。身。毒。之。國。軒。轅。氏。居。之。郭。朴。注。云。則。信。知。三。天。竺。國。也。皇。根。起。在。彼。奉。佛。使。者。故。不。疑。焉。取。例。尋。文。可。以。意。得。帝。系。云。開。闢。之。初。人。情。昏。梗。唯。眠。與。食。莫。曉。逆。從。起。乎。太。昊。上。皇。因。時。作。範。比。象。畫。卦。尊。卑。位。焉。始。知。敬。以。奉。上。慈。以。育。下。微。用。心。識。漸。開。慧。路。自。非。無。涯。大。悲。深。妙。解。脫。孰。能。俯。質。同。愚。發。蒙。化。世。二。聖。來。應。信。而。有。徵。其。弘。道。也。塵。劫。所。不。窮。其。利。物。也。筭。曆。

所不計過去倍於恒沙未來逾於一數決元
皇之歲猶大地之始一塵開闢之年比滄海
之論一滴耳非所聯類也非所頡頏也夫食
木之虫尚不知皮外之味豈知宇宙之廣哉
案三史正文與五經典誥並云老子周末時
人次則阮氏七錄王家四部華林遍略修文
御覽陶隱居之文劉先生之記王隱魏收之
錄楊玠費節之書並編年紀咸為代曆莫不
共遵正史曾無異談隋世有姚長謙者名恭齊為
渡遼將軍在隋學該內外善窮筭術今太史
為修曆博士仁均受師以春秋所紀不過七十餘國丘明為傳
但叙二百餘年至如世系世本尤失根緒帝

王世紀又甚荒蕪後生學者弥以爲惑開皇
五年乙巳之歲與國子祭酒開國公何妥等
被召修曆其所推勘三十餘人並是當世祀
梓備諳經籍者據三統曆編其年号上拒運
開下終魏靜首統甲子傍陳諸國爰引九紀
三元九頭五龍括提合雄連通序命天皇人

帝五經十諱六藝五行開山圖括地象古史
考元命包援神契帝系譜鉤命決始學篇太
史公律曆志典略之與世紀志林之與長曆
百王詔誥六代官儀地理書權衡記三五曆
十二章方叔機陶弘景等數十部書以次編
之合四十卷名爲年曆帝紀頗有備悉文義

可依從太極上元庚戌之歲至開皇五年乙巳計有一十四萬三千七百八十年矣梁紀云從開闢至梁太宗大寶二年凡二百八十三代七十六萬一千四百一十五年案諸部年紀莫見老氏為伏羲師考此一虛則百事無實

長謙紀云佛是昭王二十六年甲寅歲生穆王五十二年壬申之歲佛始滅度

至開皇五年得一千

五百七十六載矣

與周書異記并漢法本內傳及法

王本記與吳尚書令闕澤魏曇謨最法師等所說不差推老子以桓王六年丁卯之歲仕周敬王三十二年癸丑之歲五月壬午乃西

度關

至開皇五年得

案葛仙公序云老子以

上皇元年太歲丁卯二月十二日丙午為周

師者即桓王丁卯之歲也又云無極元年太

歲癸丑五月壬午去周西度關者即是敬王

癸丑之歲檢三皇已下本記亦無建元至漢

武世始有元號彼稱上皇無極等並為妄說

全無依據又高麗王表問齊后諸佛生世可

得聞乎文宣帝召上統法師為文具報于時

引周穆傳

蓋穆王別傳也

以對使人與姚長謙所引

無異劉向列仙傳曰聃與尹喜俱之流沙之

西服苜蓿實是知孔老二儒皆生周末老在

佛後隔十二王國語云幽王二年三川震滅

山崩伯陽又云周將亡矣別有老人非老子也案梁元帝解莊老云老子以景王初終莊生以景王末卒姚將軍言孔老相見問禮之時亦在景王十年景寅之歲爲尹說經亦於景王之時此則佛先道後的可明矣子云清濁之年爲國師者甚大河漢不近人情原夫清濁始兆而陰陽未分陰陽未分則兩儀尚渾兩儀尚渾則三才莫形是以窈窈冥冥不可名也甲子起於大撓年月定於堯典非唯羲皇未出固是天地靡開驗知天地構精男女化生羲之與老其是人耶必在二儀之內不越三才之中焉得道聽途說以自欺乎

言方朔亦聃之身弥不可也傳云東方朔者
歲之精也何以明之尋蔓蓂在朝二十餘載
歲星不見亦二十餘年朔之云亡木精始出
通人所紀驗可知矣抱朴子神仙傳云夫聖
者不孤必應物以成化豈可天下國師皆待
李耳一人乎異哉斯言良盡美矣若歷多世
唯一老聃為師亦經多朝皆一羲皇為主既
有多政必賴多君信可一師但匡一治耳其如
歷代並是聃身靳固之言出何承據葛稚儒
川云並是無識道士假生神異豈其然乎儒
生問曰皇甫謐云老子出關入天竺國教胡
王為浮屠此則老之與佛一時人也何為浪
談前後以矯俗乎

開士喻曰尋夫至人玄寂有類谷神應變無
方事同山響不疾而速豈隔華夷并坎之徒
好師偏見朝三暮四空生喜怒是以虛己應
物者必有千變之容狹情適事者豈知萬殊
之妙案西域傳云老子至罽賓國見浮屠自
傷不及乃說偈供養對像陳情云我生何以

晚新本改云佛佛出一何早新本改云泥不

見釋迦文心中常懊惱戀慕交懷魏略西

域傳云臨僣國王無子因祀浮屠其如莫耶

有髮墮地能行七步其形相似佛以祀浮屠

律見故名太子為浮屠也國有神人曰沙

王隱誑惑天子口授浮屠經還漢浮屠所載略與

道經相出王入也皇甫之
云經相出王入也皇甫之
死王知神人舉國悔過老魅
能出家當免汝罪其國老
若先無老氏因聃豈汝罪
信佛老氏因聃豈汝罪
也隋僕射楊素從佛以化身
老廟壁上射盡素從佛以
家之狀問道士云老子化
道士何乃為沙門將知佛
力小不化故士此是佛化
道化胡于時道士無言以
對也

世雜錄

云道士王浮每與沙門帛遠抗論王屢屈焉
遂改換西域傳為化胡經言喜與聃化胡作
佛佛起於此門帛遠野高僧傳云晉惠帝時沙
一云道士基公次共諍邪正浮屢屈焉既浮
不自忍乃託西域傳為化胡經以誣佛法遂
行於世無人無知者殃有見沙門致患累載幽
錄云蒲城李通死來云見沙門致患累載幽
王講首楞嚴經又見道士浮身被鎖械魏
求祖懺悔祖不肯赴孤負聖人死方思悔魏

世姜斌道士之望引開天經對魏明帝自云
老子定王時生破邪論中備引斯證莊子云
老聃死秦失弔焉關中記云老子葬於槐里
今故扶風始平然漆園吏親學聃道雖可宋
之南有槐里鄉魯邦異出世時同所說之文足堪依信靡往
天竺灼然不疑皇甫士安斥其詭說明彼謬
談叙老流沙皆無實錄備在高士安可調乎
佛先道後亦無惑也

釋李師資篇第四

儒生問曰大唐運興蓋太上老君周師李聃
之聖胤也開無爲之化弘道德之篇考曹子
以業六經命司徒以敷五教導德齊禮仁布

九區懲惡勸善威加四海天成地平遠安
肅光宅寓內于茲八年於協洽之歲當夾鍾
之月天子躬幸辟雍親臨釋奠沙門道士並
預禮筵奉口勅云道士潘誕奏言悉達太子
不能得佛六年求道方得成佛是則道能生
佛佛由道成道是佛之父師佛乃道之子弟
故佛經云求於無上正真之道又云體解大
道發無上意外國語云阿耨菩提晉音翻云
無上大道若以此而驗道大佛小於事可知
何得浪判先後及師資耶
開士讓曰吾聞堯舜之典伍伯不肯觀孔墨
之籍季孟不能讀夫夏虫不可以語冰者篤

於時也曲士不可與論道者局於教也今當
 為子略明斯致夫妙色無形理融真際大音
 無說體寂虛宗不可測之於言象不可尋之
 於視聽三際推而靡得二諦格而莫知沖性
 弗遷孰能令有至功罔墜孰能令無然則內
 外湛於百非稱謂淪於四句暨乎無形之形
 應周法界無說之說化洽情源故能運大悲
 以鼓之開大慈以攝之於是著弊垢衣現生
 五濁隱真實智權駕三車考夫一米支身本
 為摧伏外道六年樹下但欲斥破邪師如本
 苦行品云諸外道等或一口食或七口食或
 一日一食或七日一食或常舉兩臂或四
 根草枝或常翹一脚或常舉兩臂或四
 地或五熱炙身自餓自墜塚間棘上卧灰土

中事諸天神以行求解脫善觀其邪求乃行

可畏極苦之修行住寂靜心一坐不動如是六

年日別止食一小麥等日唯食一粒米小豆大

綠豆赤豆大瘦喘息甚弱全無氣力手持以

活於命身體羸瘦朽老公佛時說偈菩薩既

不隨如八九清淨心岸愍苦行之徒勞傷自

至尼連河以道不真實故

餓之無益悲念外道無益然後食九轉乳史

云是時善生村至女聞五天所告即集千牛

擊取好乳展轉相飲至十牛乳著于一分

淨好粳米為於菩薩煮上乳糜當煮糜時現

種種相或現萬字之相或現帝釋梵王之形

其乳沸涌上至半多羅樹一多羅樹已還下

無有滴離於彼器落餘處者於二月二十

三日晨朝之時受二牛女一鉢乳糜食證三

已身體平復如本受吉祥草坐菩提樹證三

菩提是時也六師眷屬莫不頂鬚周羅胎上

千子魔王並共歸心降伏其千子及三邪女將

鬼神兵衆八億或見齋中千眼頂後八臂口

中雷震手出電光或蛇繞左腰或龍盤左脇

種種神變來惱菩薩放大光明現希有邪鋒
相魔王眷屬並發善心一時稽首也

颯焉落刃慧日赫以舒光其汲引也如此其

威神也如彼子所言道九十五種為彼道耶是問

道已不為異彼乎為非九若同彼者即二

天三仙之徒佛未出前有摩醯首羅韋細婆

等三仙行邪三寶以化世間如來出世並為

論百九十五種之裳富蘭那等是汝之師彼師

所墮汝亦隨墮若異彼者即佛弟子何得謬

云求我道故方得成佛潘誕之言罪莫大矣

妄奏軒階輕觸天威理合推繩其罪一也昧

目朝廷疑誤信心變正為邪其罪二也以無

上大師求域中小道違彼經教其罪三也長

未來之謗讟黨見在之邪朋自誤誤人其罪
四也既負調聖之愆必入無間之獄塵劫受
苦其罪五也且震旦之與天竺猶寰海之比
隣洲聃乃周末始興佛是周初前出計其相
去二十許王論其所經二百餘載豈有昭王
世佛而退求敬王時道乎勾虛驗實足可知

也年紀云老子以周敬王三十二年癸丑之

敬王之世同出散關至開皇五年儒生請曰

乙巳之歲得一千三百七十七載矣

靈寶等經有太上大道先天地生鬱勃洞虛
之中煒燁玉清之上是佛之師能生於佛不
言周時之老聃也為定是耶願聞其說
開士喻曰五帝之前未聞有道三王之季始

有聃名漢景已來方興道學窮今討古道者

為誰丹陽余致興撰明真論一十九篇以駁

言至靜者非對動之靜也故不可道復何誰

求道經之首唱道言者姓氏為誰道復何誰

之內不免無常卒指分段還為仙道所攝案

六書七籍三傳九流雖為經國典謨莫不師

宗於周易也易云五運相生漸分清濁兩儀

既闢爻判陰陽禮運云太一分而為天地所

以乾元資始坤道資生三光著象于天乾之

道也萬物稟形于地坤之道也乾鑿度云乾

法天地離彖云日月麗故曰一陰一陽之謂道

於天百穀麗於地也陰與陽立地之道柔與剛

立人之道仁與義兼三才而兩之故六畫而成卦陰陽不測之謂神道也者理也通也知

也同也言陰陽運通三才位矣上下交泰萬

物生焉有陰陽之道理能通生於人物天和

地同則羣萌而類動也禮月令云天氣下降地氣上騰天地和同

萬物萌也鼓之雷霆陽動也潤之風雨陰隨也

故知不有天地道何從生不有陰陽道何由

靈豈得造化之前道已先出假令有道不出

天地之與陰陽搜神契云聖不過天地神不過陰陽夫天地者

於事可明陰陽者在生有驗理數然也不云

有道先天地生道既莫從何能生佛昔車胤

解道德云在己為德及物為道殷仲文云德

者得也道者由也言得孝在心故謂之德由

之而成故謂之道是以孝為德奉成曰道功

德彰自立之名道有兼濟之稱內因德而行
就外由道而化成生之蓄之道之要也成之
熟之德之至也故論衡云立身之謂德成名
之謂道道德也者為若此矣子所言道寧異
是乎若異是者不足歸信豈有頭戴金冠身
披黃褐鬚垂素髮手把玉璋別号天尊居六
羅之上獨名大道治玉京之中山海之所未
詳經史之所不載大羅既無烏有之說玉京
本亡是之虛談耳

案五山經云天下名山有

四千五百里崑崙最高大其上
有玄圃蓋神
仙所居有金城石廓瓊枝玉樹寶葉金花日
月三光列于其下雲車羽旆鳳駕龍軒玉
女
仙童不可勝數次則海中三山蓬萊方丈孫
興公名山賦云涉海則有三壺蓬萊登峯則
有四明天台余雅釋山只論五嶽玉京既
是

上上名山又云天尊所治之府子稱太上為

佛師者案往代先儒及梁承聖解五十文久

有明釋言太上有四其一曰下知有之謂三

皇至五龍是也其二曰次親譽之謂伏羲與

神農是也三曰其次畏之謂軒轅及帝譽是

也四曰其次侮之謂堯舜已下是也禮記有

云太上貴德其次務施報謂天皇人帝為太

上也無別道神統論其教上是訓導君民級

引浮俗初未曾開修万行而趣涅槃運四流

以超生死案道經元皇曆云吾聞大道太上

正真出於自然是謂為佛無為之君檢道經

中喚佛為大道為太上為自然為正真為太

極為無上者皆是佛也又云天竺國有古皇

先生言佛是太古元皇之先生善入泥洹古先生者是吾

師也遊化天竺今將返神還乎無名絕身滅

有不死不終綿綿常存吾今逝矣泥洹所以老君知佛

陳去化緣事了於是告還門人未知今須自述云吾師者本在西方為此西昇申其戀慕

證在文指的取三洞經云佛是道父西昇又云

天下大術佛術第一言神通變化無窮也化胡經云堯

子知佛欲入涅槃復迴在世号曰迦葉於娑

羅林為眾發問轉神入定經云思念一切形

與神遊受高上大聖十方至真已得佛道檢

道經處處皆稱佛為師也吾今為子釋茲在

茲子當念茲在茲頂受而奉行也佛也者蓋

絕稱之大宗至妙之幽宅不可以無取不可
以有求果有其所以不有故不可得而有有
其所以不無故不可得而無何者若本之有
境則大患永滅推之無鄉則大悲不竭常理
不可原自然之體也無心以成化大道之宗
也三五莫能始古皇之先也不嚴以正俗無
為之君也混沌不可測無名之主也綿綿其若
存衆妙之本也其降靈也則為大道之師其
開化也則為太上之父焉得閉目以觀天地
塞耳而聽雷霆所以佛号法王世之調御下
凡上聖靡不歸依豈有稱五老之神佩三皇
之籙而能為釋氏之師乎

案出官儀云無上
三天玄元始氣大

太上老君太上升大真人無上玄老朝夕朝禮儀云
太上玄元五靈老君當召功曹使者左右龍
虎君驛龍騎吏侍香玉童侍香玉女五帝直
符然老者長也尊也言五老君居衆仙之尊
方神之長五靈五帝也即靈威仰神三皇天
地人也頃峻始學篇云天地初立有天皇十
三頭在治一老子所事三皇五岳六甲符圖皆
飛以往來老子佩之以防身也然三皇符錄
皇靈所制老子佩之以防身也然三皇符錄
五老真文皆丹綠五彩天文六字言佩之長
生不死已至神仙人所叙管屬將軍吏兵與俗
無異顏光祿王祇等云道者練形法在變化

佛者持心教在濟物論故涅槃云諸佛所師
道所宗三皇及與五龍

所謂法也以法常故諸佛亦常吾更爲子
重明斯義案佛說空寂所問經及天地經皆
云吾令迦葉在彼爲老子号無上道儒童在
彼号曰孔丘漸漸教化令其孝順須那經云
吾後千歲法當東流王及人民奉戒修善

云周惠王時已漸佛教一百餘年之後老子
方說五千文也劉向序云吾檢藏書每見佛
經當知佛化竊以三代將末六國就興遊說
流此又矣也

之徒心存苟得未患誇誕靡弊肉穿鼓舌而
騁竒謀搖脣而談虐利曹翹以之請戰屈完
於是如師感被髮之哭伊川痛窮車之填濟
水三河震竭四夷交侵天閭飛蓋鎬遊舞兔
彭生為豕啼之恠杜伯見折脊之徵假令在
處阿衡身居台輔莫不扇飄風凍雨之暴列
迴天轉日之威是以褒女獻王延烽火之寇
楚人問鼎漸滔天之逆日者天地版蕩禮樂
崩壞名辱身殘曾無顧耻顛家覆國安忍忘
歸詎知世界之何辜罔念蒼生之塗炭所以

佛遣三聖權化一方布治國之儀叙修身之
術庶令其代刑用禮變薄還淳並是抑物奔
情非出要之大道也若放心於三達之境寂
慮於四德之場功被生靈澤均彼此者則他
方大士動喻恒沙此土發心亦如塵筭諒非
文字之所稱傳略舉六人以開幕仰文殊屈
迹於當世弥勒補處於未來觀音普現色身
慧覃遐劫地藏護持震且化洽無窮馬鳴兼
三方於東夏猶朝陽之啓晨暉而使六合俱
照龍樹跨方里於神州若明月之燭幽夜能
令八表同光自斯已外或者耆年而弘道或童
孺而宣法男女異形胡漢殊類莫不就緣施

化隨處誘凡玄功利於百王至教流於九有
名言茲在茲允出茲在茲無以子夏竊仲尼
之名蝸角擬崑崙之大也儒生肉袒叩頭矯
手而舐足曰余請罪矣余請罪矣

十喻篇第五

答傳道士十異

有黃巾李仲卿學謝管窺智慙信度矜白鳥
之翼望駭嵩華負燭火之光爭暉日月乃作
十異九迷貶量至聖余慨其無識念彼何辜
聊爲十喻曉之九箴誠之用指諸掌庶明達
君子詳茲致焉

外一異曰

注太上老君託神玄妙玉
女剖左腋而生

釋迦牟尼寄胎摩耶夫人
開右脇而出

內一喻曰

老君逆常託牧女而左出
世尊順化因聖母而右生
開士曰案盧景裕戴詵韋處玄等集解五千
文及梁元帝周弘政等考義類云太上有四謂
三皇及堯舜是也言上古有此大德之君臨
萬民之上故云太上也郭莊云時之所賢者
爲君材不稱世者爲臣老子非帝非皇不在
四種之限有何典據輒稱太上耶檢道家玄
妙及中台朱韜玉扎等經并出塞記云老是

李母所生不云有玄妙玉女既非正說尤假
謬談也仙人玉籙云仙人無妻玉女無夫雖
受女形畢竟不產若有茲瑞誠曰可嘉何爲
史記無文周書不載求虛責實信矯妄者之
言乎禮云退官無位者左遷論語云左衽者
非禮也若以左勝右者道士行道何不左旋
而還右轉耶國之詔書皆云如右並順天之
常也

外二異曰

注老君垂訓開不生不滅之長生
釋迦設教示不滅不生之永滅

內二喻曰

注李聃稟質有生有滅畏患生之
生反招白首

釋迦垂象示滅示生歸寂滅之滅

乃耀金軀

關士曰老子云貴大患莫若有身使吾無身
吾有何患患之所由莫若身矣老子既患有
身欲求無惱未免頭白與世不殊若言長生
何因早死

外三異曰

注老君應生出茲東夏

釋迦降迹擬彼西戎

內三喻曰

注李聃誕形居東周之苦縣

能仁降迹出中夏之神州

開士曰智度論云千千重數故曰三千二過
復千故曰大千迦羅衛居其中也樓炭經云
葱河以東名爲震旦以日初出曜於東隅故
稱震旦一本云故得名也諸佛出世皆在其
中州不生邊邑若生邊地地爲之傾案法苑
傳高僧傳永劫記等云宋何承天與智嚴慧
觀法師共爭邊中法師云西域之地立夏之
日一本云夏至之日日正中時豎木無影漢國
影臺立夏之日一本云至期立表猶餘陰在
依筭經天上一寸地下千里何乃悟焉中邊

始定約事爲論中天竺國則地之中震旦自
可爲東一本云中心方別拒海五萬餘里若
准此土東約海濱便可震旦本自東居迦維
未肯爲西其理驗矣

外四異曰

注老君文王之日爲隆周之宗師
釋迦莊王之時爲闍賓之教主

內四喻曰

注伯陽職處小臣忝充葳吏不在
文王之日亦非隆周之師
牟尼位居太子身證特尊當昭王
之盛年爲閻浮之教主

開士曰前漢書云孔子爲上上流是聖老子
爲中上流是賢何晏王弼云老未及聖二教
論云柱史在朝本非諧讚出周入秦爲尹言
道無聞諸侯不見天子若爲周師史無明證
不符正說其可得乎案史記王儉百家譜云
李者高陽之後始祖咎繇爲舜理官因遂氏
焉李氏之興起於聃也自聃之前未有李姓
唯氏理焉以樹下生乃稱李氏老子之子名
宗仕魏文侯蓋春秋之末六國之時人也文
王之世旣無李姓何得有聃出爲周師年代
叅差無的依據抱朴云出文王出嵇康皇甫
謐並生殷末者蓋指道之僞文非國典所載也

外五異曰

注老君降迹周王之代三隱三顯
五百餘年

釋迦應生胡國之時一滅一生壽
唯八十

內五喻曰

注李氏三隱三顯既無的據可依
假令五百許年猶慙龜鶴之壽
法王一滅一生示見微塵之容八
十年間開誘恒沙之衆

開士曰檢諸史正典無三隱三顯出沒之文
唯感競諸操等老義例云爲孔說仁義禮樂

之本爲一時赦王之世千室以疾病致感老
君授百八十戒并太平經一百七十篇爲二
時至漢安帝時授張天師正一明威之教于
時自稱周之柱史爲太上所遣爲三時也夫
應形設教必藉有緣勸化度人皆資徒衆豈
可五百年間全無弟子三出三隱不見門人
稟學親承杳然河漢烏有之說委巷空傳在
周劣駕小車鬚垂絲髮來漢即蕭鼓雲萃羽
從空浮干寶搜神未聞其說齊諧異記不載
斯靈撫臆論心矯妄尤甚

外六異曰

注老君降世始自周文之日訖于

孔丘之時

釋迦下生肇於淨飯之家當我莊王之世

內六喻曰

注迦葉生桓王丁卯之歲終景王壬午之年雖訖孔丘之時不出姬

昌之世

調御誕應昭王甲寅之年終穆王壬申之歲是為淨飯之胤本出莊王之前

關士曰孔子至周見老聃而問禮焉史記具顯為文王師則無典證出於周末其事可尋

若在周初史文不載又檢周禮官儀文武成
康之世然並無柱史歲吏之名當是正品闕
條周末小吏耳

外七異曰

注老君初生周代晚適流沙不測
所終莫知方所

釋迦生於西國終彼提河弟子槌
曾羣胡大叫

內七喻曰

注老子生於賴鄉葬於槐里詳乎
秦佚之弔責在遁天之形
瞿曇出彼王宮隱茲鶴樹傳乎漢

明之世秘在蘭臺之書

開士曰莊子內篇云老聃死秦佚弔及三號
而出弟子恠問非夫子之徒歟秦佚曰向吾
入見少者哭之如哭其父老者哭之如哭其
子古者謂之遁天之形始以爲其人也而今
非也遁者隱也夭者免縛也形者身也言始
以老子爲免縛隱形之仙今則非也嗟其諂
曲取人之情故不免死非我友也

外八異曰

注老君蹈五把十美眉方口雙柱
參漏日角月懸此中國聖人之相
釋迦鼻如金挺眼類井壘精若青

蓮頭生螺髮此西域佛陀之相

內八喻曰

注李老美眉方口蓋是長者之徵
蹈五把十未為聖人之相

婆伽聚日融金之色既彰希有之
徵萬字千輻之奇誠標聖人之相

開士曰老子中胎等經云老聃黃色廣額長
耳大目踈齒厚脣手把十字之文脚踏二五
之畫止是人間之異相非聖者之奇姿也傳
記並云老子鼻隆薄頭尖口高齒踈眼踈
耳曠髮蒼鬣色厚脣長耳其狀如是豈比佛耶
如來身長丈六方正不傾圓光七尺照諸幽

眞頂有肉髻其髮紺青耳覆垂埤目視開明
師子頰車七合網盈口四十齒方白齊平舌
能掩面蓮花葉形手內外握掌文皆成其語
雷震八種音聲曾上萬字足輪千縈色融紫
磨相好難名具三十二八十種禎放一光而
地獄休息演一法使苦痛安寧備列衆經不
煩委指

外九異曰

注老君設教敬讓威儀自依中夏
釋迦制法恭肅儀容還遵外國

內九喻曰

注老是俗人官居末品衣冠拜伏

自奉朝章

佛為聖主道與俗乖服貌威儀不

同凡制

開士曰昔丹陽余致興撰明真論一十九篇
以駁道士出其偽妄詳彼論焉言巾褐之服
正是古曰儒墨之所服也在昔五帝鹿巾許
由皮冠並俗者之服耳褐身長三丈六尺有
三百六十寸言法一歲三十六旬或像一年
三百六十日也褐前有二帶言法陰陽兩畔
巾之兩角又法二儀余氏又云若如周秦二
世即以夏之十月為年至於分度盈縮曆運
折除復焉得三百六十數耶考堯舜周孔不

爲此服尋黃帝之遇皇人九真之靈又降帝
嚳至夏禹開塗鍾二山之藏窮此等服曾無
據焉案周有赤雀之徵且感丹書之瑞旣符
火德世服朱衣老是周人兼陪末吏冠屨拜
伏自奉恒儀即日治頭本名鬼卒黃巾赤籙
不徧伯陽呪水行符親師張氏非道非俗祖
習誰風

外十異曰

注老君之教以復孝慈爲德本
釋迦之法以捨親戚爲行先

內十喻曰

老訓狂勃殺二親爲行先

釋教仁慈濟四生為德本

開士曰汝化胡經言喜欲從聃聃曰若有至
心隨我去者當斬汝父母妻子七人頭者乃
可去耳喜乃至心便自斬父母七人將頭到
聃前便成七豬頭夫順天地之道者行也不
傷和氣者孝也丁蘭感通於朽木董永孝致
於天女禽獸猶有母子而知親况聃喜行道於
天下斬其父母何名孝也戮其妻子豈謂慈乎
辨正論卷第五

明

庖炎

上步交反伏義也况惚上兄往反下音

象餌

而志反也甜莖下音之玫回梅回二音亦

詎藉上音巨夜反豈也下稽古上音女媧下音瓜古

櫪櫪鹿盧二音圓轉木也系之上計反開闢下益反昏緹

下加太昊道下胡頡頏上胡結反下不定胡朗反玠

音介何妥他果經籍下才闕苦監反聃老子名

苜蓿二音巨勝犬撓下女巧反黃帝時葛萸音上

萬下千見反斬固也杞梓起子益音矯居小反

芻賔上音居例臨倪下魚反月氏下音枝以

誣謗下音無姜斌上音薑下秦失下字音逸又

槐里上音斤尺音詭說上音過調音懲惡上音澄

協洽上音胡怙反下侯夾反夾鍾律二月辟雍上音

亦反紆容反日！藕根上音構取反蘇反靡反醢

乳取牛乳糜下音頂鬚下音刺風上蘇反靡反醢

上呼方反大車細幻下女也及眯目正上音米不

輒反明也一謗讚下音讀堡去乾反與焯焯焯焯反上羽于鬼

光明也一余玖上音駁反必角豕云斷卦象也

周易有黃褐下音曷玄圃下布補羽旆下象也

旗詞黃褐大反也玄圃呼外反飛螿下巨反

帝嚳下古篤反古帝翹人呼反懷女上博毛反

也右廷烽上火相續反下音峯滔天音上

叨童孺下而注蝸角上音瓜肉袒下音但叩

頭上音口矯手上音居小反一舐足上音神只濬

反私潤擊也也舉也也

反私潤擊也也舉也也

